

OSEAS

(Ochéa)

Ochéa naxm̄ax rü nanegü

1 ¹Rü ñaa nixĩ ga ore ga Cori ya Tupana nüxũ ixuxũ namaxã ga Ochéa ga Béri nane ga yexguma Yudáanewa ãëxgacügü yixĩgüga Uchía rü Yotáũ rü Acáa rü Echequía. Rü yexguma nixĩ ga Yeruboãũ ga Yoá nane ga ãëxgacü yixĩxũ ga Iraéanewa. ²Rü ñaa nixĩ ga yema nüxíraxũxũ ga ore ga Cori ya Tupana Ochéamaxã nüxũ ixuxũ. Rü ñanagürü nüxũ: —Ngẽma Iraéanecüãxgü rü ñoma wüxi i ngexũ i natena ngeãxëxürũxũ choxna nixĩgachi. Rü cumax, Pa Ochéax, rü wüxi i cuãxrxuxũ tá quixĩ naxcax i ngẽma duũxũgü. iRü ngẽmacax i ñuxma rü wüxi i nge i chixri maxũcũmaxã naxãxmax rü ngĩwa naxãxacü! Rü ngẽmaãcü i ngẽma cuxacügü rü wüxi i nge i ngeãxëcũxacügü tá nixĩgü —ñanagürü. ³Rü yemawena ga Ochéa rü ngĩmaxã naxãxmax ga Gomé ga Dibrãíacü. Rü ngĩma rü nüxũ ixãxacü rü nayatü. ⁴Rü ñuxũchi ga nüma ga Cori ya Tupana rü ñanagürü Ochéaxũ: —Yimá cune rü Yechereé tá nixĩ i naéga. Erü paxaxüchitáma chanapoxcue

i ngẽma nataagü ya yimá ãëxgacü ya Yeú naxcax ga yema taxũ ga máeta ga naxũxũ nawa ga guma ñane ga Yechereé. Rü ngẽxma tá chayacuãxëxë nax nümagütama i Iraéanecüãxgü nügũmaxã inacuãxgũxũ. ⁵Erü ngẽma ngunexũgu rü yima ñane ya Yechereéari ngatexũ i metachinüanexũgu tá chanadai i ngẽma norü churaragü i Iraéanecüãxgü rü ngẽxma tá nagu i norü pora —ñanagürü. ⁶Rü yexguma ga ngĩma ga Gomé rü wena ixãxacü, rü nange ga ngĩxacü. Rü nüma ga Cori ya Tupana rü Ochéaxũ ñanagürü: —Ngẽma ngĩéga i ngẽma cuxacü rü Duruáma tá nixĩ. (Rü ngẽma naéga rü: “tama choxũ nangechaũtümũxũgü”, ñaxũchiga nixĩ.) Erü ñuxmawena rü marü taxütáma choxũ nangechaũtümũxũgü i Iraéanecüãxgü. Rü marü taxütáma nüxũ icharüngüma i ngẽma norü chixexũgü. ⁷Natürü ngẽma Yudáanecüãxgü rü tá choxũ nangechaũtümũxũgü rü chomatama i norü Tupana nax chixĩxũ rü tá norü uanügüna íchanapoxũ. Natürü taxütáma tãxaciürü churaragũmaxã rüexna naxnegũmaxã rüexna ngẽma churaragü

i cowa⁸ruáxũmaxã —ñanagürü ga
Tupana. ⁸Rü yexguma Gomé marü
Duruáma ngixũ yamaieguwena, rü wena
ixáxacü, rü nayatü. ⁹Rü yexguma ga
nüma ga Cori ya Tupana rü Ochéaxũ
ñanagürü: —Ngëma cune rü Duamígu
naxüéga, erü pema i Iraéanecüãxgü rü
marü tama chorü duüxügü pixígü rü
choma rü marü tama perü Tupana chixĩ
—ñanagürü.

.....

Tupanana nixígachi ga Iraéanecüãxgü

2 ²Rü nüma ya Cori ya Tupana rü
ñanagürü: —iPa Iraéanecüãxgü,
ípenaxuaxü i ngëma pechixüane i ñoma
peérüxü ixixü! Norü duüxügü rü marü
choxna nixígachi, rü ngëmacax i
pechixüane rü marü tama choxrü nixĩ rü
choma rü marü tama norü Tupana chixĩ.
Rü name nixĩ nax norü duüxügü nüxü
naxoexü nax ñoma wüxi i ngexü i
ngeãxëcürüxü yixixü, rü nüxna nax
yaxígachixü i ngëma norü
tupananetachicünaxägü i nüxü
nangechaügüxü. ³Rü ngëxguma
taxütáma nüxü naxoegu i ngëma
tupanachicünaxägü rü tá nüxna
chanayaxu i guxüma i ngëma norü
ngëmaxügü i nüxü ngëmaxü rü ñoma
wüxi i nge i ngexchirucürüxü tá
chayaxixëxë. Rü ngëma nachixüane rü
noxri nangoxgurüxü tá chayaxixëxë rü
ñoma mairaxü i paxü rü ngearü
dexááxürüxü tá chayaxixëxë nax
ngëmaäcü taxawamaxã nayuxücax i
ngëma choxna ixígachixü.

.....

¹³Rü ngëma cuchixüanecüãx i
duüxügü rü guma ñuxre ga taunecügü

ga nagu nüxü yacuaxüüggücü ga yema
tupanachicünaxägü, rü ngëmacax tá
chanapoxcue. Yerü marü choxü
inarüngümae rü norü
tupanachicünaxägücax pumáratexë
ínagügü ga yexguma áneramaxã rü
nachagümaxã nügü yangaxãëgügu nax
yemaacü yema tupanachicünaxägüxü
yacuaxüüggüxücax. Rü chomax i Cori ya
Tupana nixĩ i nüxü chixuxü i ngëma.

Tupana rü Iraéanecüãxgüxü nangechaüama

¹⁴Natürü i chomax, rü wena táxarü
ngëma Iraéanecüãxgü rü chaugüna
chayapuexëxë. Rü chianexüwa tá
chanagagü nax ngëma mea namaxã
chidexaxücax rü wenaxarü choxü
nangechaügüxücax. ¹⁵Rü ngëma norü
úbanecügü rü tá wena chanamexëxë
nax mea naxügüxücax rü nabacaxücax i
norü úbagü. Rü ngëma ngatexü i
metachinüanexü ga noxri
Guxchaxüchicagu áégaxü rü
Taãxëchicaxü tá chayanguxuchixëxë. Rü
ngëma naanewa tá choxü nangechaügü
i ngëma Iraéanecüãx ga yexguma
Equítuanewa ínachoxügürüxü. ¹⁶Rü
ngëxguma rü tá “Pa Cuxü
Tangechaxüciux”, ñanagürügü choxü rü
tama “Pa Torü Yora i Baáx”,
ñanagürügü. Rü choma i Cori ya
Tupana nixĩ i nüxü chixuxü i ngëma.
¹⁷Rü tá nüxna chanachuxu nax
tagutáma wena namaxã
nadexaächigüxücax i ngëma
tupananetagüéga. ¹⁸Rü ngëma
ngunexügügu rü ngëma
Iraéanecüãxgüxü tá charüngüxëxë. Rü
ngëma naexügü i düraexü, rü werigü, rü

ãxtapegü rü tá ichanangüxmüexêxê nax
tama ngêma duũxũgũxũ
nachixeãxêgũxũcax. Rü tá ichanaxoxêxê
ya würagü rü taragü. Rü ngêma norü
uanügü rü tá ichanangüxmüexêxê nax
tama wena naxcax íyaxüãchixũcax, rü
ngêmaäcü i chorü duũxũgü rü
nataãxêgũxũcax. ¹⁹Rü ngêmaäcü, Pa
Iraéanecüãxgũx, choma rü tá wena pexũ
chade nax guxũgutáma choxrü
pixĩgũxũcax. Rü ngêmaäcü tá
aixcúmaxũchi choxrü pixĩgü ngêma
mugü nüxũ ixuxũäcü, erü poraäcü pexũ
changechaũ. ²⁰Rü chorü duũxũgũxũchi
tá pexũ chixĩgũxêxê, rü tagutáma pexũ
íchawogü. Rü pema rü tá choxũ pecuax
nax perü Tupana chixĩxũ —ñanagürü.
.....

**Ochéa rü naxmaxarü
chixexũxũ narüngüma**

3 ¹Rü yexguma ga Cori ya Tupana rü
ñanagürü choxũ: —iNgêma naxũ
rü wenaxarü ngĩxcax yadau i cuxmax rü
cugũxũtawa ngĩxũ naga rü ngĩxũ
nangechaxũ, rü woo i ngĩma rü ngĩrü
me nixĩ i nai i yatümaxã nax namaxũxũ!
Erü choma ya Cori ya Tupana rü
ngêxgumarüxũ ngêma Iraéanecüãxgũxũ
changechaũama rü woo i nümagü rü
choxna nixĩgachi rü naxcax narümemae
nax ngêma tupanachicünaxãgüwe
naxĩxũ rü nangõxgüaxũ i ngêma
maixcuraxũgü i namaxã nüxũ
yacuaxũũgũxũ —ñanagürü ga Tupana.
²Rü yexguma ngĩxũ ichayangauxgu rü
yema ngĩrü yoraxũtawa wenaxarü
ngĩxcax chataxe. Rü 15 tachinü ga diëru
rü 330 lítrugü ga chebádagu nixĩ ga
naxãtanüxũ. ³Rü ñachagürü ngĩxũ:

—Mucütáma ya taunecü choxrü quixĩ.
Rü tama name nax cungeãxêxũ rü nai i
yatüna cugü nax cuxãxũ. Rü choma rü
tá ta cumaxã chixaixcúma nax mea
chamaxũxũ —ñachagürü. ⁴Rü
ngêmaäcü ya Tupana rü ngêma
Iraéanecüãxgũxũ nüxũ nacuaxêxê rü
mucü ya taunecü rü to i
nachixũanegügu tá nawoone rü to i
nachixũanearü ãêxgacü rü tá namaxã
inacuax. Rü ngêmacax i ngêma
Iraéanecüãxgü rü tá nüxũ nataxuma i
noxrütama ãêxgacü, rü bai i ãêxgacü
nane, rü bai i norü chacherdótegü, rü
bai i norü chacherdótegüchiru, rü bai i
norü ãmarechicagü, rü bai i norü
tupanetachicünaxãgü. ⁵Natürü
ngêma wena i nüma i Iraéanecüãxgü rü
nachixũanecax tá nawoegu rü tá Cori ya
Tupanaçax nadaugü. Rü tá Dabítaacax
nadaugü nax norü ãêxgacü yixĩxũcax.
Rü ngêma ngunexũgü i nawa
iyacuaxgũxũgü rü Cori ya Tupanaçax tá
naxĩ, rü nüxũ tá nicuaxũxũgü naxcax i
guxũma i norü ngũxêêgü.
.....

**Cori ya Tupana rü
Iraéanecüãxgümaxã nanu**

4 ¹Pa Iraéanecüãxgũx i perüxĩnüe i
ngêma pemaxã nüxũ yaxuxũ ya
Cori ya Tupana! Nüma rü pemaxã nanu,
erü petanüwa rü marü tataxuma ya texé
ya tũmamücúmaxã ixaixcúmaxe, rü bai
ya texé ya aixcúma naxũxe i ngêma
Tupanamaxã nüxũ tixuxũ, rü bai ya texé
ya aixcúma Tupanaxũ cuáxe. ²Rü
tamuxũchi ya natüçaxma Tupanaégagu
ixunetaxe rü nataxũchi i dora, rü máeta,
rü ngĩx, rü namu i nai i ngemaxã

ipegüxü, rü nügü dajüxü, rü máetagüechaxü. ³Rü ngëmacax i ñaa nachixüane rü poraäcü ngechaü nüxü nangux rü naanegüwa rü taxuxüma narüxü. Rü duüxügü rü nidaxawee rü nayue, rü ngëxgumarüxü ta i ngëma naexügü i naixnecücüäx rü werigü rü choxnigü i márcüäx rü nigüetanü.

**Cori ya Tupana rü
chacherdótegüxü nixugü**

⁴Rü nüma ya Cori ya Tupana rü ñanagürü: —Dücac, Pa Chacherdótex, cugagu nixí i ngëma guxchaxü i nagu nanguxü i ngëma cuchixüane. Rü tama name i toguena cunaxu i ngëma chixexü. ⁵Rü cuma rü ngunecü tátama nagu cingu i ngëma guxchaxü. Rü nüma ya yima orearü uruünetá rü chütacü cuxrüxü tátama nagu nangu. Rü ngëxguma i choma rü taxütáma pexü íchapoxü nax perü uanügü pexü dajüxücac rü pexna napuäxücac i ñaa pechixüane. ⁶Rü chorü duüxügü rü chixexügu nayí rü nayue erü tama chorü mugüxü nacuxügü. Rü ngëma rü cugagu nixí, Pa Chacherdótex, erü cuma rü ta nüxü cuxo i chorü mugü. Rü ngëmacax i choma rü ta cuxü chaxo nax chorü orearü uruxü quixüxü. Erü cumax rü nüxü icurüngüma i chorü ucuxëgü rü ngëmacax i chomax rü tá ta nüxü icharüngüma i ngëma cutaagü. ⁷Rü ngëxguma yexera yamuxgu i ngëma chacherdótegü, rü yexera chixexü chopexewa naxügü. Nümagü rü choxna nixígachi nax nawe naxüxücac i ngëma norü tupanachicünaxägü. Rü ngëmacax i choma rü taxütáma namaxá chataäxë rü tá nüxü chaxo. ⁸Rü nüma i ngëma

chacherdótegü rü duüxügüarü pecádumaxá nataäxëgü erü ngëxguma ngëma duüxügüaxü naxüäxgu nax norü tupanachicünaxägücac nadaiaxü rü ínaguaxü i ámaregü, rü nüma i duüxügü rü meama ngëma chacherdótegüaxü nanaxütanü. ⁹Rü ngëmacax i choma rü ngëma duüxügüxü chapoxcuxërüxü tátama chanapoxcue i ngëma chacherdótegü naxcac i norü chixexügü —ñanagürü ga Tupana.

.....

**Iraéanecüäxgü rü nüxü nixugü nax Cori
ya Tupanacax nawoeguxü**

6 ¹Pa Duüxügüx irü nua pexí ya guxáma rü ngíxá Cori ya Tupanacax tawoegu! Rü woo nümatama tüxü nawoone rü guxchaxü tüxna naxá, natürü wena táxarü tüxü nawoeguxëxë nax ngëmaäcü itaäxëgüxücac. Rü nüma rü ngúxü tüxü ningegüxëxë, natürü wena táxarü taxcac nayataanegüxëxë. ²Rü ngëmaäcü paxa tá wena taxcac nayataanegüxëxë rü tá tüxü ínarüdagüxëxë nax mea napexewa imaxëxücac. ³iRü ngíxá pora taxüe nax aixcüma Cori ya Tupanaxü icuáxücac rü naga ixüüxëxücac! Rü nüma ya Cori ya Tupana rü aixcüma tá tüxna nangu ñoma üäxcü guxüguma ínguxüxü rü ñoma pucü guxüguma waixümü iwaixmüanexëëcürüxü.

Cori ya Tupanaarü ngäxüga

⁴Rü nüma ya Cori ya Tupana rü ñanagürü: —¿Taxacü tá pemaxá chaxü Pa Efraítanüxügüx? ¿Rü taxacü tá pemaxá chaxü Pa Yudáanecüäxgüx? Rü ngëma choxü nax pengechaüxü rü ñoma

caixanexũ i exũwa paxaãchi ngóxũrũxũ
nixĩ, rü yima cherena ya ngunetũxũ
paxaãchi rüngucũrũxũ nixĩ. ⁵Rü yema
chorũ orearũ uruũgũ ga petanũwa
chamugũxũwa pemaxã nüxũ chixu nax
pexũ tá chapocuxũ, natürũ ga pema rü
tama iperũxĩnüe rü yemacax pexũ
chadaix. Rü yemaacũ ga chorũ poxcu rü
aixcũma pewa nangu ñoma ngóonexũ
irügoxũrũxũ. ⁶Rü ngẽma choma pexũ
chanaxwaxexũ nixĩ nax choxũ
pengechaũxũ, rü tama taxacürũ
naxũnagũ chauxcax pedaixũ. Rü ngẽma
chanaxwaxexũ nixĩ nax aixcũma choxũ
pecuáxũ nax perũ Tupana chixĩxũ rü
ngexrũma i taxacürũ ãmare i chauxcax
nax ípeguxũ —ñanagürũ ga Tupana.
.....

Tupana rü Efraítanũxũgũmaxã nanu

9 ¹Rü ñaa duũxũgũ rü tama chorũ
Tupanaga naxĩnüechaũ, rü
ngẽmacax i nüma ya Tupana rü tá nüxũ
naxo. Rü togũ i nachixũanegũgu tá
nawoone, rü tá nu ne nanaxĩmare.
.....

**Nagu tá napogũe i ngẽma ãmarearũ
guchicaxũgũ i Iraéanecũãxgũ norũ
tupanachicũnãxãgũcax naxũgũxũ**

10 ¹Ngẽma Iraéanecũãxgũ rü ñaa
úba i muarũ oóxũrũxũ nixĩ,
natürũ ngẽxguma yexera namuxgu i norũ
ngẽmaxũgũ rü yexera norũ
tupanachicũnãxãcax ãmarearũ guchicaxũ
ínixũxũgũ. Rü ngẽxguma yexera
nanetũarũ o inaxãxgu i norũ naane rü
yexeraxũ i mexũ i naxchicũnãxãgũ
ínixũxũgũ. ²Ngẽma Iraéanecũãxgũ rü
taxregu narũxĩnüe i norũ maxũwa rü

tama Tupanaguxica narũxĩnüe. Rü
ngẽmacax i ñuxma rü ngẽma norũ
chixexũgagu rü tá napoxcue. Rü nüma ya
Cori ya Tupana rü tá inanaxoxẽxẽ i
ngẽma ãmarearũ guchicaxũgũ i norũ
tupanachicũnãxãgũcax üxũ rü tá
nayapuexẽxẽ i ngẽma nutagũ i nüxũ
yacuãxũũgũxũ. ³Natürũ nüma i ngẽma
duũxũgũ rü ñanagürũgũ tá: “Rü
nataxuma ya tórũ ãẽxgacũ nagagu nax
tama Cori ya Tupanaxũ ingechaũgũxũ.
Natürũ nüetama erũ ãtaxacürũ mexũ chi
taxcax naxũxũ ya ãẽxgacũ? ⁴Rü yexũcürũ
nidexaechamare rü natũcaxmamare
tamaxã inaxuneta rü nanaxunagũ i mugũ
natürũ taguma nayanguxẽẽgũ. Rü
ngẽmacax i tatanũwa rü duũxũgũ rü
nügũmaxã nanue rü ñoma wüxi i nanetũ
i nawa iyuxũrũxũ nangexma i chixexũ i
tatanũwa”, ñanagürũgũ. ⁵Rü ñuxma i
ngẽma Chamáriaanecũãx i duũxũgũ rü
niduxrue, rü naxauxe naxcax i ngẽma
wocaxacũchicũnãxã i Betawẽũwa
rũtaxuxũ. Rü naxcax nangechaũgũ i
duũxũgũ rü ngẽma chacherdótegũ erũ
marũ narũtaxu ga yema namaxã
nataãxẽgũxũ. ⁶Rü ngẽma
wocaxacũchicũnãxã i Iraéanecũãxgũ
nüxũ icuãxũũgũxũ rü Achíriaarũ
churaragũ rü nachixũanewa tá
nanangegũ nax norũ ãẽxgacũna
naxãgũaxũcax. Rü tá naxãnee i ngẽma
Efraítanũxũgũ erũ marũ nataxu i norũ
naxchicũnãxãx i nüxũ yaxõgũaxũ. Rü
ngẽxgumarũxũ ta i guxũma i ngẽma
Iraéanecũãxgũ rü ãne tá ningegũ. ⁷Rü
ngẽma Chamáriaanearũ ãẽxgacũ rü tá
narũtaxu ñoma wüxi i naixtũchi i dexã
ichaxẽxũrũxũ. ⁸Rü ngẽma norũ
tupanachicũnãxãchicagũ ga

Iraéanecüãxgü chixexü nawa ügüxü, rü tá nahu napogüe. Rü ngëma norü ãmarearü guchicaxüügüétüwa tá narüxügü i chuxchuxügü rü toragü. Rü nüma i ngëma duüxügü rü tá ngëma ngüchitaerugüxü ñanagürügü: “iToétüwa pebuemügü!” Rü yima maxpünegüxü tá ñanagürügü: “iToétügu peyixi!” ñanagürügü.

.....

¹²Rü nüma ya Tupana rü ñanagürü: —Choma rü marüchirex pemaxã nüxü chixu rü ñachagürü pexü: “iMexü pexüx rü ngëmaäcü tá pexna nangu i chorü ngechaü! iRü penamexëxë i perü maxü! Erü marü nawa nangu nax chaüxcax pedaügüxü ñuxmatáta petanüwa changu nax peétügu chayabaxüxcax i chorü pora i namaxã pexü íchapoxüxü.” ¹³⁻¹⁴Natürü i pemax rü nahu pemaxë i chixexü, rü ngëma ne naxü nax chixri pegümaxã ipecuáxü rü doragu nax pemaxëxü. Rü pema rü nahu peyaxó i ngëma muxü i perü churaragü rü yima peweügü ya daiwa namaxã pexüüne —ñanagürü ga Tupana.

.....

Tupana rü nüxü nangechaüama i norü duüxügü woo tama naxinüegux

11 ¹—Rü yexguma ñoma buxürüxü tauta cuaxwa nangugüga ga chorü duüxügü ga Iraéanecüãxgü, rü choma rü nüxü changechaü yerü chaucagü nixigü rü yemacax íchananguxüxëxë ga Equítuanewa. ²Natürü yexguma yexeraäcü naxcax chacaxgu nax chowe naxüxcax rü nüma rü yexeraäcü choxna nixigachi. Rü ngëma chorü duüxügü rü norü tupanachicünaxägüxcax ínanagu i

ãmaregü rü ngëmachicünaxägüxcax ínanagu i pumáratexe. ³Choma nixü ga yema Efraítanüxümaxã ichacuáxü ga yexguma noxri tauta nüxü nacuaxgügu ga ñuxäcü tá napugüäxü ga ñaa naane. Rü chanangüexëxë nax ñuxäcü tá inaxüxü. Rü choxmexmaxã nüxü chingü natürü ga nümagü rü tama nüxü nacuaxgü nax choma yixüxü ga nüxna chadauxü. ⁴Rü nüxü changechaüäcüma chaugüxcax chayagagü nax chaugüchametüwa chayapaxëëgüxüxcax ñoma buxügü i maieürüxü. Rü naxcax ichayarümaxächü nax chanachibüexëxüxcax.

.....

⁷Rü nüma i ngëma chorü duüxügü rü nanaxügüama nax choxna yaxigachixü. Rü tagaäcü nayumüxëgüchirex, natürü taxüema tanangäxü erü nawe narüxüama i ngëma tupanenetagü i taxucürüwa nüxü rüngüxëxü. ⁸Natürü taxucürüwa pexna chixügachi, Pa Efraítanüxügüx. Rü taxucürüwa pexü íchawogü, Pa Iraéanecüãxgüx. Rü taxucürüwa pexü chadai yexgumarüxü ga yema Admáüãxgüxü chadäüxgurüxü. Rü taxucürüwama pexü charüxoxëxë guma ñane ga Chebofúxü charüxoxëxëürüxü. Erü daa chorü maxünewa rü pexü changechaü rü íchamemare nax choxü pengechaütümüxügüxü —ñanagürü ga Tupana.

.....

Ochéa rü Iraéanecüãxgüxü nacaxü nax Cori ya Tupanacax nawoegüxü

14 ¹Pa Iraéanecüãxgüxü nax Perü Chixexügagu Peyixüxü irü naxcax pewoegu ya Cori ya perü

Tupana! ²Rü ñaãcü peyumüxëgü: “iPa Torü Cori ya Tupanax, rü toxü nüxü irüngüma i guxüma i torü chixexügü! iRü mea toxü nayaxu i ñaa torü cuaxüxü i cuxna taxäxü! ³Rü marü nüxü tadaugü rü ngëma Achíriaanecüãxgü rü tama aixcüma toxü ínapoxü, rü woo chi cowaruétügu taxixgu rü taxüchima tamaxë. Rü ngëmacax i ñuxma rü marü taxütáma namaxã tatupanaãx i taxacü i tomatama taxüxü. Erü toma nax tangearü yoraáxü rü cuxicatama nixí i aixcüma cuxü tangechaütümüxügüxü” ñaperügü tá.

Cori ya Tupana rü Iraéanecüãxgümaxã inaxuneta nax ngexwacaxüxü i maxü tá nüxna naxäxü

⁴Rü ñanagürü ya Cori ya Tupana: —Ngëma duüxügü i tama chauga ñnüexü rü tá chaugümaxã ichanangüxmüexëxë. Rü tá nüxü changechaüma woo tamachirex ngëma nixí i norü natanü. Erü marü nangupetü nax namaxã chanuxü. ⁵Rü ñuxma i choma rü tá nüxü charüngüxë i ngëma Iraéanecüãxgü ñoma cherena

nanetügüxü iwaixëëcürüxü. Rü ngëma Iraéanecüãxgü rü tá nataãxëgü ñoma putüra i líriu meama ixächacuxürüxü. Rü yima maxpüne ya Líbanu guxügüma ngëmaechanerüxü tá nixí i ngëma Iraéanecüãxgü nax guxügutáma nachixüanewa nangexmagüxü. ⁶Rü ñoma oríbu itaetaxü rü ibacaxürüxü rü tá meama nüxü naxüpetü i ngëma Iraéanecüãxgü i nachixüanewa. Rü ngëma nachixüane rü duüxügüarü taãxëëerüxü tá nixí ñoma Líbanuarü ocayiwaemarüxü —ñanagürü ga Tupana.

.....

Norü gux i ñaa ore

⁹Rü yíxema cuax tüxü ngëmxaxe rü yíxema aixcüma tümaãxëxü cuáxe rü ëcü naga taxíñüe i ñaa ore: “Rü ngëma nacüma ya Cori ya Tupana rü aixcüma nawëxgu. Rü ngëma aixcüma Tupanaga ñnüexü i duüxügü rü ngëma nacümagu naxí. Natürü ngëma chixexügu rüxíñnüexü i duüxügü rü ngëma Tupanacüma rü nüxü rü wüxi i guxchaxü nixí.”